

**J.P. MEĐUNARODNI AERODROM "SARAJEVO" D.O.O.**

Kurta Schorka 36, 71210 Sarajevo, Bosna i Hercegovina

Registrovano kod: Općinski sud Sarajevo, MBS 65-01-0419-11; JIB 4200068970001; Carinski broj 200068970001
RAČUN: 3387302205238447, UniCredit banka d.d. Mostar, BiH

Vrsta dok.	Izdavač	RB
DOP	5 01	3802

Strana:
1 od 1

Broj protokola:

05-1-25-1-3789-37/24

INTERNO

DATUM: 18.06.2025. godine**PRIMALAC:** R&S d.o.o. Sarajevo
OFFICE SUPPORT d.o.o. Sarajevo
KMC d.o.o. Banja Luka**PREDMET:** Obavijest o izboru najpovoljnije ponude u postupku nabavke robe:
- Kancelarijski materijal**VEZA:** Naš broj: 3789/24

Poštovani,

na osnovu člana 71. Zakona o javnim nabavkama ("Službeni glasnik BiH", broj 39/14, 59/22 i 50/24), a nakon okončane procedure prikupljanja ponuda za nabavku robe: Kancelarijski materijal, provedene metodom Otvoreni postupak, obavještavamo vas da je Odlukom Uprave J.P. Međunarodni aerodrom "SARAJEVO" d.o.o. Sarajevo, koja vam se dostavlja u prilogu, kao najpovoljnija, odnosno jedina prihvatljiva, ocijenjena ponuda ponuđača R&S d.o.o. Sarajevo.

S poštovanjem,



v.d. DIREKTOR-a

Sanin Ramezić

Prilog: Odluka o prihvatanju ponude;

DOSTAVLJENO:

1. Ponuđaču
2. Upravi Društva
3. Sektoru za administrativnu podršku
4. a/a



	Tel	Fax	E-mail
INFORMACIJE	+387/ 33/ 289 100	+387/ 33/ 289 356	info@sarajevo-airport.ba
DIREKCIJA	+387/ 33/ 289 200	+387/ 33/ 289 201	direkcija@sarajevo-airport.ba
OPERATIVNI CENTAR	+387/ 33/ 289 120	+387/ 33/ 766 841	opoc@sarajevo-airport.ba
WEB	www.sarajevo-airport.ba	/	/

**U P R A V A**

Strana: 1 od 3

Broj protokola:

05-1-25-1-3789 -36/24

JAVNO

Datum: 18.06.2025. godine

Na osnovu člana 70. Zakona o javnim nabavkama („Službeni glasnik BiH“, broj 39/14, 55/22 i 50/24) odnosno člana 25. Pravilnika o javnoj nabavci roba, usluga i radova u J.P. Međunarodni aerodrom „SARAJEVO“ d.o.o. Sarajevo, te na osnovu člana 45. Statuta J.P. Međunarodni aerodrom „SARAJEVO“ d.o.o. Sarajevo, te na osnovu Izvještaja i preporuke Komisije za provođenje postupka javne nabavke robe: Kancelarijski materijal, broj: 05-3-25-1-3789-35/24 od 13.06.2025. godine, Uprava J.P. Međunarodni aerodrom „SARAJEVO“ d.o.o. Sarajevo, na 38. sjednici, održanoj 18.06.2025. godine, donijela je

O D L U K U**I**

Za nabavku robe: Kancelarijski materijal, prihvata se ponuda ponuđača R&S d.o.o. Sarajevo, broj: 0506/25, zavedena na protokol Naručioca dana 05.06.2025. godine, pod brojem: 05-3-25-1-3789-24/24, u iznosu od: 262.890,38 KM (dvjestošezdesetdvijehiljadeosamstodevedeset i 38/100 KM), bez PDV-a.

II

Izabrani ponuđač je, u roku od sedam radnih dana od dana prijema Obavijesti i ove Odluke o prihvatanju ponude, dužan u J.P. Međunarodni aerodrom „SARAJEVO“ d.o.o. Sarajevo dostaviti originale ili ovjerene fotokopije nedostajuće dokumentacije iz člana 45. stav (1) Zakona o javnim nabavkama, ne starije od 90 dana od dana dostavljanja ponude.

III

Po proteku rokova za reviziju, uz prethodnu dostavu dokumentacije iz tačke II ove Odluke, J.P. Međunarodni aerodrom „SARAJEVO“ d.o.o. Sarajevo će izabranom ponuđaču ponuditi ugovor o nabavci robe iz tačke I ove Odluke, kojim će se regulisati međusobna prava i obaveze ugovornih strana.

O b r a z l o ž e n j e

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku robe: Kancelarijski materijal, v.d. direktora J.P. Međunarodni aerodrom „SARAJEVO“ d.o.o. Sarajevo donio je Odluku o pokretanju postupka nabavke, broj: 05-3-25-1-3789-27/24 od 08.05.2025. god. U skladu sa naprijed navedenom Odlukom, J.P. Međunarodni aerodrom „SARAJEVO“ d.o.o. Sarajevo (u daljem tekstu: Društvo) je dana 08.05.2025. godine na portalu javnih nabavki objavilo obavještenje o nabavci, broj: 246-1-3-317-3-91/25, zatim dana 08.05.2025. godine ispravku obavještenja, broj: 246-1-3-317-8-92/25, te dana 16.05.2025. godine ispravku Obavještenja o nabavci, broj: 246-1-3-317-8-104/25. Rješenjem, broj: 05-1-25-1-3789-27/24 od 03.06.2025. god., imenovana je Komisija za provođenje postupka.

Do ostavljenog roka za predaju ponuda, 05.06.2025. god., na adresu Društva ponudu su dostavila 3 (tri) ponuđača, i to: R&S d.o.o. Sarajevo, OFFICE SUPPORT d.o.o. Sarajevo i KMC d.o.o. Banja Luka.

Na javnom otvaranju ponuda, održanom isti dan, u prisustvu predstavnika ponuđača R&S d.o.o. Sarajevo, pročitani su nazivi ponuđača i ponuđene cijene, i to:

1. R&S d.o.o. Sarajevo: 262.890,38 KM, bez PDV-a;
2. OFFICE SUPPORT d.o.o. Sarajevo: 264.000,00 KM, bez PDV-a;
3. KMC d.o.o. Banja Luka: 263.429,51 KM, bez PDV-a

Nakon javnog otvaranja ponuda, Komisija se sastala radi detaljne analize istih, te je pregledom i analizom ponuda utvrdila sljedeće:

R&S d.o.o. Sarajevo:

Nakon pregleda ove ponude, Komisija je konstatovala da je ponuda ovog ponuđača, u smislu člana 65. stav (1) Zakona o javnim nabavkama, formalno-pravno, tehnički i računski ispravna i prihvatljiva za Društvo.

OFFICE SUPPORT d.o.o. Sarajevo:

Uvidom u dostavljenu ponudu ovog ponuđača utvrđeno je višestruko neslaganje sa obaveznim sadržajem ponude, kako je to propisano tenderskom dokumentacijom, i to kako slijedi:

1. Obrazac za ponudu (ANEKS I) – dostavljen je popunjen, potpisan i ovjeren, ali nije popunjen spisak dostavljenih dokumenata, iako je isti izričito zahtijevan kao sastavni dio obrasca;
2. Obrazac povjerljivih informacija (ANEKS II) – obrazac je formalno dostavljen, ali nije popunjen, niti potpisan i ovjeren, pa iako nije eliminatorni uslov za odbijanje ponude, smatra se da ponuđač nema povjerljivih informacija;

Vrsta dok.	Izdavač
ODL	5-01
Strana: 2 od 3	
JAVNO	

3. Obrazac za cijenu ponude (ANEKS III) – iako je dostavljen, nijedna stavka u obrascu nije sadržavala jedinične cijene, nego je upisana samo ukupna vrijednost ponude u iznosu od 264.000,00 KM bez PDV-a, što je suprotno izričitom zahtjevu da se upišu i jedinične cijene za svaku stavku;
4. Nacrt ugovora (ANEKS IV) – iako je dostavljen, nije ispunjena ni preambula, niti je dokument potpisan i ovjeren, iako je preambula obavezna kao minimum, a potpis i ovjera nužni za valjanost dostavljenog dokumenta;
5. Izjava po Članu 45. Zakona o javnim nabavkama (ANEKS V) – obrazac nije popunjen, potpisan, niti ovjeren;
6. Izjava po Članu 52. Zakona o javnim nabavkama (ANEKS VI) – takođe nije popunjena, potpisana niti ovjerena;
7. Uzorci i tehnički listovi – nisu dostavljeni, iako je to obavezan dio ponude u skladu sa tačkom 5.7 tenderske dokumentacije.
8. Garancija za ozbiljnost ponude – nije dostavljena, što predstavlja bitan nedostatak jer je navedena kao obavezan dokument u tenderskoj dokumentaciji, a čije nedostavljanje direktno utiče na valjanost ponude.
9. Digitalna kopija ponude – nije dostavljena na CD-u, DVD-u niti USB-u, kako je zahtijevano.
10. Numeracija stranica – ponuda nije numerisana, čime je narušen formalni redoslijed i preglednost ponude, što otežava ocjenjivanje i suprotno je jasno definisanim tehničkim uputama iz tenderske dokumentacije.

Imajući u vidu da je članom 57. stav (1) Zakona o javnim nabavkama određeno da je ponuđač dužan pridržavati se svih zahtjeva i uslova iz tenderske dokumentacije, komisija predlaže da se ponuda odbaci u skladu sa članom 68 stav (1) i članom 68. stav (4) tačka i) Zakona o javnim nabavkama, s obzirom da ne ispunjava sve što je zahtijevano tenderskom dokumentacijom, ponuda je ocijenjena kao nepravilna i neprihvatljiva.

KMC d.o.o. Banja Luka:

Uvidom u dostavljenu ponudu ovog ponuđača utvrđeno je višestruko neslaganje sa obaveznim sadržajem ponude, kako je to propisano tenderskom dokumentacijom, i to kako slijedi:

Naime, prema jasno definisanim uslovima iz tenderske dokumentacije, ponuđači su bili dužni uz ponudu dostaviti uzorke i tehničke listove za sljedeće stavke iz Obrasca za cijenu ponude: 36, 43, 65, 72, 74, 102, 157 i 158. Kako je precizirano u tenderskoj dokumentaciji, svrha dostave tehničkih listova i uzoraka jeste da ugovorni organ na osnovu tih dokumenata i fizičkih uzoraka izvrši vizuelnu i funkcionalnu provjeru da li ponuđeni proizvodi ispunjavaju minimalno zahtijevane karakteristike iz obrasca za cijenu ponude. Tehnički listovi su ključni dokument koji omogućava dodatnu provjeru relevantnih tehničkih svojstava i specifikacija koje nisu u potpunosti utvrdive samo prostim opažanjem.

Ovaj ponuđač je, u okviru svoje ponude, dostavio uzorke traženih artikala, ali nije dostavio tehničke listove ni za jednu od navedenih stavki, čime nije ispunio osnovni uslov iz tačke 5.7 tenderske dokumentacije. Dodatno, ponuđač je priložio određenu specifikaciju za papir, ali ta specifikacija nije jasno i nedvosmisleno označena, odnosno nije navedeno na koju tačno stavku ili vrstu papira se odnosi. Nedostavljanje tehničkih listova za navedene stavke predstavlja neispunjavanje formalnog i sadržajnog uslova iz tenderske dokumentacije.

Imajući u vidu da je članom 57. stav (1) Zakona o javnim nabavkama određeno da je ponuđač dužan pridržavati se svih zahtjeva i uslova iz tenderske dokumentacije, komisija predlaže da se ponuda odbaci u skladu sa članom 68 stav (1) i članom 68. stav (4) tačka i) Zakona o javnim nabavkama, s obzirom da ne ispunjava sve što je zahtijevano tenderskom dokumentacijom, ponuda je ocijenjena kao nepravilna i neprihvatljiva.

Za predmetnu javnu nabavku bila je predviđena e-aukcija, ali pošto je zaprimljena samo jedna prihvatljiva ponuda, ona nije održana.

S obzirom na naprijed navedeno, Komisija je utvrdila da je najpovoljnija, a ujedno i jedina prihvatljiva ponuda ponuđača R&S d.o.o. Sarajevo, te je predložila Upravi Društva da se ugovor za nabavku robe: Kancelarijski materijal, u vrijednosti od 262.860,38 KM, bez PDV-a, dodijeli ovom ponuđaču.

Uprava Društva je razmotrila predmetni Izvještaj i preporuku Komisije na svojoj 38. sjednici, održanoj dana 18.06.2025. godine, te je, nakon uvida u vođeni postupak, istu i prihvatila, pa je, na osnovu člana 70. Zakona o javnim nabavkama, odnosno člana 25. Pravilnika o javnoj nabavci roba, usluga i radova u Društvu donijela Odluku kao u dispozitivu.

Vrsta dok.	Izdavač
ODL	5-01
Strana: 3 od 3	
JAVNO	

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa - Društva, u pisanoj formi, direktno na protokol Društva, elektronskim putem ili preporučenom poštanskom pošiljkom, u 3 (tri) primjerka, i to u roku od 10 (deset) dana od dana prijema Odluke.



v.d. DIREKTOR-a

Sanin Ramezić

Prilog: Zapisnik o pregledu i ocjeni ponuda;

DOSTAVLJENO:

1. Ponuđačima
2. Upravi Društva (orig.)
3. Sektoru za administrativnu podršku
 - Služba nabavke (orig.);
 - Služba za pravne poslove i protokol;
4. a/a